



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1725/09  
Sarajevo, 12.6.2009. godine

**BOSNA I HERCEGOVINA .**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 15-06-2009			
Organizaciona jedinica	Klasifikaciona oznaka	Redni broj	Broj priloga
01	50-1	15-52	09

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*


**SARAJEVO**

**PREDMET:** Odgovori na zastupnička pitanja – dostavlja se

Vijeće ministara Bosne i Hercegovine, na 90. sjednici održanoj 11.6.2009. godine, utvrdilo je odgovor na zastupnička pitanja koja je Ekrem Ajanović, zastupnik u Zastupničkom domu Parlamentarne skupštine Bosne i Hercegovine, postavio na 52. sjednici ovog doma održanoj 29.4.2009. godine.

U pravitku dostavljamo odgovor uz molbu da isti uručite zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1725/09  
Sarajevo, 11.6.2009. godine

Ekrem Ajanović, zastupnik u Zastupničkom domu Parlamentarne skupštine Bosne i Hercegovine, na 52. sjednici održanoj 29. aprila 2009. godine postavila je Ministarstvu civilnih poslova Bosne i Hercegovine sljedeća poslanička pitanja:

1. Zašto se kasni sa implementacijom Zakona o lijekovima i medicinskim sredstvima i Zakona o radijacijskoj i nuklearnoj sigurnosti BiH?
2. Kada će u punom kapacitetu početi sa radom obje Agencije?
3. Da li direktor i zamjenik direktora mogu obavljati svoje nadležnosti, a da nisu u radnom odnosu?

Na postavljeno pitanje, Vijeće ministara Bosne i Hercegovine je na 90. sjednici održanoj 11.6.2009. godine, utvrdilo sljedeći

**ODGOVOR**

Ministarstvo civilnih poslova Bosne i Hercegovine je od stupanja na snagu Zakona o lijekovima i medicinskim sredstvima („Službeni glasnik BiH“, broj 58/08) kontinuirano radilo na njegovoj implementaciji.

Naime, na prijedlog Ministarstva civilnih poslova Bosne i Hercegovine, a u skladu sa članom 136. Zakona o lijekovima i medicinskim sredstvima, Vijeće ministara Bosne i Hercegovine donijelo je Odluku o početku rada Agencije za lijekove i medicinska sredstva Bosne i Hercegovine („Službeni glasnik BiH“, broj 78/08), kojom je zaduženo Ministarstvo civilnih poslova Bosne i Hercegovine da pokrene i provede proceduru imenovanja članova Stručnog vijeća Agencije za lijekove i medicinska sredstva i u saradnji sa Stručnim vijećem Agencije za lijekove i medicinska sredstva Bosne i Hercegovine provede proceduru imenovanja direktora i zamjenika direktora Agencije za lijekove i medicinska sredstva Bosne i Hercegovine.

Vijeće ministara Bosne i Hercegovine je na sjednici održanoj 03.12.2008. godine na prijedlog Ministarstva civilnih poslova Bosne i Hercegovine, sačinjenog na osnovu kandidatske liste entitetskih ministarstava zdravstva i Odjela za zdravstvo Brčko Distrikt, donijelo Odluku o imenovanju članova Stručnog vijeća Agencije za lijekove i medicinska sredstva Bosne i Hercegovine („Službeni glasnik BiH“, broj 105/08).

Ministarstvo civilnih poslova BiH je u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/08) provelo proceduru za izbor i imenovanje direktora i zamjenika direktora

Agencije za lijekove i medicinska sredstva Bosne i Hercegovine. U skladu sa postupkom izbora, Ministarstvo civilnih poslova BiH dostavilo je Stručnom vijeću Agencije za lijekove i medicinska sredstva Bosne i Hercegovine Prijedlog rang liste za imenovanje direktora i zamjenika direktora Agencije.

Na sjednici održanoj 18.12.2008.godine Vijeće ministara BiH imenovalo je direktora i zamjenika direktora Agencije za lijekove i medicinska sredstva Bosne i Hercegovine („Službeni glasnik BiH“, broj 105/08).

Vijeće ministara BiH na prijedlog Ministarstva civilnih poslova BiH, na 81. sjednici održanoj 26. marta 2009.godine donijelo je Odluku o dodjeli finansijskih sredstava za rad Agenciji za lijekove i medicinska sredstva Bosne i Hercegovine.

Zakonom o lijekovima i medicinskim sredstvima, osim preuzimanja zaposlenih Zavoda za kontrolu lijekova Federacije BiH i Agencije za lijekove Republike Srpske, nije predviđen način preuzimanja prostora i opreme entitetskih agencija u Agenciju za lijekove i medicinska sredstva BiH. Stoga, Ministarstvo civilnih poslova Bosne i Hercegovine zatražilo je od entitetskih vlada saglasnost za zaključenje Sporazuma o stvaranju uvjeta za uspostavu rada Agencije za lijekove i medicinska sredstva BiH kojim bi se regulisala međusobna prava i obaveze, i to preuzimanje zaposlenih, arhive i davanje na korištenje prostora i opreme Agenciji za lijekove i medicinska sredstva BiH koje su koristile entitetske institucije. Predmetni Sporazum razmatran je na sjednicama entitetskih vlada. S tim u vezi, Vlada Republike Srpske donijela je Odluku o prestanku rada Agencije za lijekove Republike Srpske, dok je Vlada Federacije BiH usvojila Informaciju o stvaranju uvjeta za uspostavu Agencije za lijekove i medicinska sredstva BiH. U toku je procedura za prihvatanje Sporazuma od strane Vijeće ministara BiH.

Predmetnim Sporazumom, kao datum početka rada Agencije za lijekove i medicinska sredstva BiH, određen je 01.05.2009.godine.



Kada je u pitanju implementacija Zakona o radijacijskoj i nuklearnoj sigurnosti BiH, Ministarstvo civilnih poslova BiH je u skladu sa Zakonom pokrenulo proceduru imenovanja vršioca dužnosti Državne regulatorne agencije za radijacijsku i nuklearnu sigurnost. Na 51. sjednici Vijeća ministara BiH održanoj 03.06.2008.godine imenovan je vršilac dužnosti direktora Državne regulatorne agencije za radijacijsku i nuklearnu sigurnost BiH na period od šest mjeseci. Vršilac dužnosti direktora Agencije je u skladu sa Odlukom o imenovanju bio dužan poduzeti sve neophodne radnje i aktivnosti za početak rada Agencije u mandatnom periodu.

Vijeće ministara BiH na 74. sjednici održanoj 05.02.2009.godine produžilo je mandat vršiocu dužnosti direktora Agencije i dalo saglasnost na Pravilnik o unutrašnjoj organizaciji i sistematizaciji radnih mjesta Državne regulatorne agencije za radijacijsku i nuklearnu sigurnost. Vijeće ministara BiH, na prijedlog Ministarstva civilnih poslova BiH, na 77. sjednici održanoj 19.02.2009.godine razmotrilo je i usvojilo Informaciju o potrebi za raspisivanjem konkursa za izbor direktora i zamjenika direktora Državne regulatorne agencije za radijacijsku i nuklearnu sigurnost. Takođe, zaduženo je Ministarstvo civilnih poslova BiH da u saradnji sa Agencijom za državnu službu BiH provede konkursnu proceduru za izbor direktora i zamjenika direktora Državne regulatorne agencije za radijacijsku i nuklearnu sigurnost. U toku je konkursna procedura za izbor direktora i zamjenika direktora.



Na postavljeno zastupničko pitanje „Da li direktor i zamjenik direktora mogu obavljati svoje nadležnosti, a da nisu u radnom odnosu?“, Ministarstvo civilnih poslova Bosne i Hercegovine utvrdilo je sljedeći:

### **ODGOVOR**

Direktor i zamjenik direktora Agencije za lijekove i medicinska sredstva BiH imenovani su na sjednici Vijeća ministara BiH održanoj 18.12.2008.godine. U periodu od imenovanja do danas direktor i zamjenik direktora Agencije za lijekove i medicinska sredstva BiH radili su na tehničkoj uspostavi rada Agencije BiH. Radno-pravni odnos u Agenciji za lijekove i medicinska sredstva BiH direktor i zamjenik direktora Agencije BiH uspostavili su 15.04.2009.godine.

Agencija za lijekove i medicinska sredstva BiH operativno i funkcionalno počela je sa radom 01.05.2009.godine.